

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036

B.2025

Nd.9

Ng.10

Liggaeuq ietceih nienz ndwencaet cibgouj Geizsoq: Gungh daih 3685 geiz

Cinz Gangh: Gyaak Yenzgiu Gij Lizsij Gveilinz Vwnzva Dingjhoenx, Cienzswnj Caeuq Fatyiengz Gij Cingsaenz Dingjhoenx Hungmbwk

9 nyied 5 hauh, Aen Hoih Yenzgiu Dajlun Yozsuz “Gveilinz Vwnzva Dingjhoenx Ndaej Cungguek Gungcanjdangj Lingjdauj” youq Nanzningz hai, haeujlaeg hagsib doekguh gij cingsaenz gangjvah youqgaenj Siz Ginbingz cungjsuhgi youq gwnz Aen Daihhoih Geiqniemh Cungguek Bouxminz Gangyiz Cancwngh Nem Seiqgyaiq Fanj Fazsihsw Ndaejhingz 80 Hopbi caeuq gwnz aen hoih ciudaih, geiqmaenh lizsij, geiqniemh senhle, inmaij hozbingz, haicauh coglaeng, cienzswnj caeuq fatyiengz gij cingsaenz dingjhoenx hungmbwk, haeujlaeg yaenglwnh gij neihanz lai caeuq gij gyaciz seizdaih Gveilinz vwnzva dingjhoenx, haeujyamq saenqhwnj cingsaenz, rom rengz, haenqrengz ok goengrengz Gvangjsih hawj gij yendaiva yiengh Cungguek. Swcigih Dangjvej suhgi, Swcigih

Yinzda Cangzveijvei cujyin Cinz Gangh camgya haihoih caemhcaiq gangjvah. Swcigih cujsiz Veiz Dauh cujiz aen hoih.

Cinz Gangh naeuz, Cungguek Gungcanjdangj lingjdauj vwnzva dingjhoenx caeuq ginhsw, cwngei, ginghci doengh gij fuengmienh neix dingjhoenx ityiengh, dwg dingz gapbaenz youqgaenj ciengz ciengq dingj Yizbwnj hungmbwk bouxminz Cungguek, Gveilinz vwnzva dingjhoenx ndaiej Cungguek Gungcanjdangj lingjdauj couhwdg ndawde gaiq youqgaenj ndeu. Gyaak yenzgiu gij lizsij Gveilinz vwnzva dingjhoenx, leih daengz hoizfuk yienzyiengh lizsij saedsaeh, gyalai roxyiuj gij lizsij dingjhoenx liuxliux, leih daengz cungjgez gingniemh, lai gyaak vwnzva gagsaenz, leih daengz vatcimh gij swhyenz lizsij vwnzva, gyavaiq hwnqguh aen hawsingz baeyouz gaep

seiqgyaiq Gveilinz.

Cinz Gangh daegbied gangj daengz, au laebdaeb cienzswnj gij cingsaenz dingjhoenx hungmbwk, daengj mbawgeiz ronghsien dawzmaenh Cungguek Gungcanjdangj lingjdauj, au Dangj lingjdauj doekguh daengz gak hangh hong daengx gih gaijgwz hwnqfat onjyamq bae, baujmaenh mbawgeiz Dangj youq gak diuz camhsienq mbinnyegnyeg; gyaak swhsienq lijun vujcangh, dawzmaenh mbouj soeng au Aen Swhsienq Sevei Cuij Miz Gij Daegsaek Cungguek Seizdaih Moq Siz Ginbingz bae comz rengz, hag swhsienq, gyaak dangsing, yawjnaek saedguh, laebguh goeng moq, haeujyamq dingjmaenh vwnzva gagsaenz, gyavaiq doihaeuj vwnzva saehnieb hwnqfat ndei saed; gyamaenh guhhung diuz doengjit camhsienq gyaek guk seizdaih moq,

comz rengz hung hwnqguh aen Gvangjsih maenghndei seizdaih moq; gyalag doiqrog doxyau doxgap, fugsah cauhlaeb aen minghyinh caezcaemh Cungguek—Dunghmungz engqgya doxyawj de. Maqmuengh lauxcangh yozcej guh ndei gijndei ciennieb bonjfaenh, haeujlaeg vatcimh gij swhyenz vwnzva saekhoengz Gvangjsih, baenzroix bae yenzgiu gij cingsaenz gyaek guk, doxgiet, minzcuj, baenaj Gveilinz vwnzva dingjhoenx miz de, gangj ndei gij gojgaeq vwnzva dingjhoenx, lai gikfat gyoengq bouxminz gyaek guk caeuq roxnyinh minzcuz miznaj, ok rengz cingsaenz hungloet bae coengh hwnqguh aen guk ak, gij saehnieb hungmbwk minzcuz fukhwng.

(daj 《Gvangjsih Yizbau》 au daeuj genj hoiz Cinz Yizcwz Cungh Siujgij)

Lungzswng: Beixnuengx Myauzcuz Ciengq Go Diuq Foux Gvaq “Cietdiuyangh”

9 nyied 5 hauh, Lungzswng Gak Cuz Swciyen Veijgyangh Yangh beixnuengx Myauzcuz ndang daenj buhvaq minzcuz moqsag, guh yienghsaeh minzsuz cunzyouz, minzcuz conzdungj diyzuz doxdax daengj, ciengq go diuq foux gvaq ciet ndei. Ciug cam rox, “cietdiuyangh” dwg ngoenzciet beixnuengx Myauzcuz dangdieg, gyoengqvunz gvaq ciet, maqmuengh fwn yinz rumz swnh, haeuxliengz fungsou. Ndaw doz dwg beixnuengx Myauzcuz cingq langhbaj fad haeuxnaz.

(Veiz Gizyang ingi)



Aen Hoih Yienhciengz Doinyoengx Daengx Gih Hwnqguh Gih Guhyiengh Couqmaenh Gij Eiqsik Cunghvaz Minzcuz Ranz Vunz Ndeu Youq Nanzningz Hai

9 nyied 4 hauh, Aen Hoih Yienhciengz Doinyoengx Daengx Gih Hwnqguh Gih Guhyiengh Couqmaenh Gij Eiqsik Cunghvaz Minzcuz Ranz Vunz Ndeu youq Nanzningz hai, cungjgez gij cingzciik duenhgonq hwnqguh gih guhyiengh aeundaiej de, yenzgiu anbaiz hong youqgaenj yamqlaeng, doinyoengx hwnqguh gih guhyiengh guh laeg guh saed.

Aen hoih vixok, baez hoih yienhciengz doinyoengx gonq doxdaeuj, daengx gih gak dieg gak bouhmonz nyinhcaen doekguh gij cingsaenz aen hoih, laebdin saedsaeh, dangrap guhcaen,

doinyoengx hwnqguh gih guhyiengh aeundaiej baenaj moq cingzciik moq. Aen hoih daegbied gangj daengz, au doekguh gij swhsienq youqgaenj gyaak caeuq gaijndei hong minzcuz, gij iugouz youqgaenj lwnhgangj hong Gvangjsih Siz Ginbingz cungjsuhgi liuxliux, haeujlaeg doekguh gij cingsaenz anbaiz ceiq moq cunghyangh caeuq swcigih, doiqciug hwnqguh gih guhyiengh 《Hengzdoengh Fueng-anq》, hopheux gaiq hongsaeh “haj aen suenranz”, mboujduenh daezsang gij caetliengh caeuq suijbingz hwnqguh gih guhyiengh. Aeu faenloih yungh banhfap, cinjcing okrengz, swcigih caengzmienh au

daiqdaeuz ca daengxbuenz, dungjcouz doinyoengx, si yienh caengzmienh au laebdin saedsaeh, lai miz daegsaek, hagdangz, lajmbanj, segih, giyez doengh gij dieg neix au gag rox bae guh, souj goek cau-moq, guhbaenz aen buenz guhhong gizgiz nangq-daengz caez, cizcwz mingzbe, gwnz laj lienzdoung, faengaep fucwz, haeujyamq doinyoengx hwnqguh gih guhyiengh coh laeg coh vang mbe, gvangq. Aeu gyaak lingjdauj, haenqca doekguh, gak guh cizcwz bonjfaenh, caez ca caez guenj, haeujyamq doinyoengx hwnqguh gih guhyiengh guh laeg guh saed, ndaiej raenhamq.

(Yinz Gez Vangz Yinz)